

Duz Moed Hawj Gou Roxyiuj

蚂蚁的启示

Youq ndaw daswyenz, duz moed dwg geijlai iqtet ha, hoeng youq baez dinglingz cazyawj ndeu, gou gaijbienq cungj yawjap neix lo. Gyoengq moed iqtet neix, ndaej hawj gou cungj daezsingj ndeu.

Ndit raeujrub dak gwnz yangzdaiz, gou sij sat cozyez le, boemz youq gwnz yangzdaiz yawj funghgingj, nyeuq doxgaiq ndaemndwtndwt ndeu yinxhwnj gou haeujsim. O! Laxlawz dwg gyoengq moed ndeu, mbouj deng, ranz gou baelawz miz moed ne? Gou yawj coh giz duz moed raih daeuj haenx, sawqmwh rox lo, doenghgij “diemjndaem iq” neix youq geh ciengz baihrog ranz gou, seizneix cingq doz gijgwn—duz non hau ndeu ma ranz ne! Cij raen gyoengqde yamq yamqdin cingcaez, byaij coh rongzmoed. Dan baengh geij duz moed neix baenzlawz buen ndaej duz non “hung” neix ma ndaw rongz ne? Gou gig geizheih, siengj yawjyawj gyoengq moed baenzlawz guh, couh hainduj cazyawj gyoengqde.

Cingq youq mwhde, aen mbwn couh lumj aen naj lwgnyez nei—gangj bienq couh bienq, fwn doekhumhum

roengzdaej. Fwn baenz hung, gyoengq moed itdingh deng fwn rwed boedbaih luba! Mbouj liuh daengz, gou iet gyaeuj ok yangzdaiz yawj, cix raen gyoengq moed yienznaeuz mbouj lw geij duz lo, hoeng lij ciuqiengh gengget giet baen nyeuq giuzndaem iq ndeu, ndaetndet bamq youq ndaw geh ciengz, humx dawz duz non mbouj cuengq! Gou gig doeksaet, hoeng youh siengj, couhsuenq duz moed roengzrengz dingj youq, hoeng fwn hung neix mbouj rox seizlawz cij dingz ne, gyoengq moed haengjdingh mbouj dingj daengz fwn dingz. Gou hojsik bibi gyaeuj, ma ndaw rug yawjsaw lo.


Fwn hung doeksasa haemq nanz le, menhmenh bienq iq lo, gou byaij ok yangzdaiz bae, mbouj miz maz maqmuengh iet gyaeuj okbae, dahraix, gyoengq moed mbouj raen lo. Cingq youq mwh gou saetmuengh yaek byaij bae, duz non doenghyedyed ndeu yinxhwnj gou haeujsim, neix mbouj dwg “gijgwn” gyoengq moed ha? Baenzlawz dauq lix lone? Gou geizheih yawj coh baihlaj, gingqyenz dwg geij duz moed ndaw fwn hung lw roengzdaej haenx cingq doz duz non menhmenh daengdoengh, vanzlij miz haujlai moed daj dieg wnq raih daeuj doxcoih dem, gou sawqmwh anj lo! Duz moed iqtet



baenzlawz miz rengznyangq baenzneix hung? Cungj cingsaenz gaemgaenj mbouj cuengqsoeng neix sawj gou najmong lo. Siengjsiengj baezgonq gaujsi gauj mbouj ndei le, gou couh doeknaiq liux, mbouj miz saenqsim, ngoenznaengz hwnjdanz, sij cozyez cungj dwg lujluj lajlaj, gou fwt najding lo. Rumz fwn ci rwed mbouj dwglau, cijaeu gou lumj duz moed nei gamj najdoiq dwgrengz, dingj rumz baenaj, baenzbaenz cungj mbouj lau, doeklaeng couh itdingh ndaej hingz!

Siengj daengz gijneix, gou ganjgip ma ndaw rug, ra ok bonjlienhu vut bae haemq nanz haenx, nyinhcaen lienh hwnjdaej.

(Fuzgen Swngj Cenzcouh Si Anhhih Itsiuj seiq nienzgaep Liu Yihyungz)



“Douhung” Deng Caeg Bae Lo

“大门”被偷走了

Heujnaj gou deng ciemz bae song swnj, baez riu couh loh aen congh ndaem he okdaeuj, yakyawj dangqmaz.

Ngoenz singhgizroek, gou youq bakdou siujgih guhcaemz, yawjraen daxgoeng hendou, gou couh hwnjbae dongx de. Daxgoeng hendou najriu doiq gou naeuz: “Yenzyenz, mwngz dwg baenzlawz hen ranz ha, douhung ranz mwngz cungj deng vunz caeg bae lo……” Caengz caj daxgoeng gangj sat, gou couh ganjgip buet ma ranz, ndawsim siengj: Dai lo, douhung cungj deng vunz caeg bae lo, saeklaeuq caegsaeg…… Gou mbouj gamj caiq siengj roengzbae, baegfofo buet hwnj roek laeuz, douhung lij ndeindi’ndi youq gizde, dou gven ndaej ndaetndetndet. Hw! Daxgoeng hendou baenzlawz ndaej dawz gij saeh neix daeuj gangriu ne? Gou hujdengdeng buet bae cam de. Mbouj liuh daengz daxgoeng hendou riuhaha, naeuz: “‘Douhung’ ranz mwngz mbouj couh dwg heujnaj mwngz ha?” Dingq daxgoeng baenzneix gangj, gou mbouj eiqsei qriu lo.

(Huzbwz Swngj Cinghmwnz Si Sahyangz Sizyen Siujyoz ngeih nienzgaep Liuz Yiyenz)

Luenh Vut Nyapnyaj Nyex Hux Daeuj

乱扔垃圾惹的祸

Youq ndaw ndoengfaex gyaeunde, youq gyoengq doenghdz iq dwgyaez ndeu. Daihgya cungj gyaez seuqcengh, soqlaiz mbouj luenh vut nyapnyaj, cawzle duz mou gudgud.

Miz ngoenz ndeu, duz mou gudgud bae baihrog guhcaemz, mwh dauqma cawx aen haeuxyangz ndeu itmienh gwn itmienh byaij, mwh yaek daengz ranz cingqngamj gwn liux, cij lw linxyangz lo. De siengj: “Fanjingq ranz gou hix mbouj miz doengjnyapnyaj, couh vut bakdou ndaej lo!” De Swnh fwngz couh vut linxyangz youq bakdou, haeuj ranz bae lo.

Gvaq yaep ndeu, duz lingz iq ndeu fwngz gaem naenggyoij seiqlengq ra doengjnyapnyaj. Sawqmwh, de yawjraen giz dieg duz mou gudgud vut linxyangz haenx, ndawsim siengj: “Bouxwnq ndaej vut youq gizneix, mboujmiz gou hix vut youq gizneix ba.” Gaendwk couh dawz naenggyoij vut youq bakdou ranz duz mou gudgud.

Mbouj gvaq geij nanz, duz douqlwg ndeu daj ndaw ranz riuj daeh nyapnyaj

nde okdaeuj. Yawjraen nyapnyaj bakdou ranz duz mou gudgud, gag gangj gag naeuz: “Yi, gizneix seizlawz guh aen camh—nyapnyaj moq ndeu loni? Beij aen camh—nyapnyaj gaeuq gyawj lai lo, hoeng mbouj laeb miz gaiqbaiz, doenghdz wnq haengjdingh lij caengz rox, gou daeuj laeb gaiq baiz ndeu ba!” Yienghneix, lwgdouq couh ma ranz guh gaiq baiz ndeu, laeb youq bakdou ranz duz mou gudgud.

Diemj cung ndeu, song diemj cung…… Seizgan ngoenz ndeu gvaqbae lo, bakdou ranz duz mou gudgud doi rim nyapnyaj. Haet daihngaih, duz mou gudgud hai douranz, yawjraen nyapnyaj doi lumj bya iq, hujdengdeng diuq hwnjdaej. Mwh de yawjraen gaiq baiz “camhnyapnyaj”, cij fwt rox lo: A! Laxlawz dwg swbgeij mbouj gyaez seuqcengh, luenh vut nyapnyaj nyex hux daeuj ha!

Daj mwhde hwnj, duz mou gudgud caiq hix mbouj luenh vut nyapnyaj lo.

(Sanhdungh Swngj Caujcangh Si Cunghgih Gensez Lu Siujyoz ngeih nienzgaep Du Li)

